


Bosna i Hercegovina  
Federacija Bosne i Hercegovine  
Kanton Sarajevo  
Općina Ilijaš  
OPĆINSKI NAČELNIK



Bosnia and Hercegovina  
Federation of Bosnia and Hercegovina  
Sarajevo Canton  
Municipality Ilijas  
MUNICIPALITY MAJOR

Služba za prostorno uređenje i stambeno-komunalne poslove

## OPŠTINSKO VIJEĆE

### ILIJAŠ

## ODGOVORI NA VIJEĆNIČKA PITANJA I INICIJATIVE SA DEVETNAESTE SJEDNICE OPŠTINSKOG VIJEĆA ILIJAŠ ODRŽANE DANA 29. 05. 2014. GODINE

Ilijaš: 12. 06. 2014. godine

## MARIONETA ILIĆ-JURETA – vijećnica SDP-a

Inicijativa 1:"Da se što prije urade mostovi koji su odneseni u naselju Povoča kod Zora Emira i u naselju Ljubina kod Genjac Muhameda, kako bi im se omogućio pristup glavnoj putnoj komunikaciji".

Odgovor:Most na rijeci Ljubini kod Genjac Muhameda i most na rijeci Povoča kod Zora Emira izgrađeni su samoinicijativno od strane navedenih lica bez izdatih odobrenja za građenje.

Općina će pomoći u sanaciji predmetnih objekata u okviru raspoloživih finansijskih sredstava.

Inicijativa 2:"Da se pod hitno očiste kanali za odvod oborinskih voda prema naselju Solakovići kako bi se spriječilo dalje klizište i oštećenje asfaltnog puta, te isti popravi koliko je moguće".

Odgovor:Hitno je urađeno pročišćavanje dijela kanala, a ostatak iskopa kanala je planirano kada se budu izvodili radovi na putu za Korita, a u okviru raspoloživih finansijskih sredstava.

Inicijativa 3:"Da se skloni nasip sa puta prema Koritima kako bi stanovništvo moglo normalno funkcionisati".

Odgovor:Urađen je projekat sanacije puta od strane Direkcije za puteve Kantona Sarajevo. Izvođenje radova po projektu je planirano po obezbjeđenju finansijskih sredstava.

## MUHAMED HANDŽIĆ-vijećnik BPS-Sefer Halilović

### Pitanje:

"Pod kojim uslovima je dozvoljena izgradnja i korišćenje tzv. ljetne bašte vlasniku ugostiteljskog objekta "Mistik" i ako je dozvoljena da li je u skladu sa Zakonom o privremenom korišćenju javnih površina na području Kantona Sarajevo?"

### ODGOVOR:

Da li se radi o ljetnoj bašti na Banovcu, ili ne za nas nije sporno. Ovdje se radi o intervenciji u urbanom prostoru u skladu sa Zakonom kojim se dobija jedan novi kvalitetni sadržaj, a da taj prostor ne gubi status javne površine, niti se mijenja status vlasništva, niti se radi o uzurpaciji javne površine. Dio ovog prostora koristit će se kao ljetna bašta za pružanje ugostiteljskih usluga od strane njegovog graditelja, odnosno vlasnika, ugostiteljskog objekta "Mistik". Na ime toga plaćat će naknadu.

Dana 28. 05. 2014. godine podnesen je zahtjev za privremeno korišćenje ove javne površine. Primjenom odredaba Zakona o upravnom postupku /"Službene novine Federacije Bosne i Hercegovine", broj: 2/98 i 48/99/, Zakona o privremenom korišćenju javnih površina na području Kantona Sarajevo /"Službene novine Kantona Sarajevo", broj: 20/04, 26/12 i 32/12-Ispravka/ i Odluke o privremenom korišćenju javnih površina na području Opštine Ilijaš /"Službene novine Kantona Sarajevo", broj: 14/09/ proveden je postupak i doneseno rješenje kojim je podnosiocu zahtjeva odobreno privremeno korišćenje 50,00 m2 javne površine u vremenu od 01. 06. do 31. 10. 2014. godine. Na ime toga dužan je platiti naknadu u ukupnom iznosu od 1.250,00 KM.

Pitanje 2:"Da li komunalni inspektor općine Ilijaš vrši kontrolu zauzimanja i korištenja javnih površina od strane pravnih lica i da li ugovorene reference po tom pitanju odgovaraju stvarnom stanju na terenu"?

Odgovor: odgovor dat kroz izvještaj o radu komunalnog inspektora, koji je sastavni dio godišnjeg izvještaja općinskog načelnika i službi.

## **SELVER HERIĆ-vijećnik SDP-a**

### **Pitanje ?**

"Nezadovoljan sam odgovorom na vijećničko pitanje, a vezano za ulicu za koju smo digli kredit od milion KM. Odgovor koji sam dobio, imam osjećaj da je odgovor djece iz petog razreda osnovne škole. Moje pitanje je glasilo da mi se za prošlu godinu i za svaki mjesec ove godine, dostavi koliko ko, po rješenju, ima pravo koristiti ulicu 126. Ilijaške brigade (glavnu) i koliko ko koristi i koliko plaća za istu. Nisam dobio odgovor za prošlu godinu, a dobio sam odgovor za osam lica, a mislim da ih ima osamnaest koji koriste javnu površinu. Nemam ništa protiv da se površina koristi, ali sam protiv da se koristi, a da se ne plaća. Komunalni inspektor nam očito nije potreban, te bih zamolio pomoćnicu načelnika da se pozabavi ili inspektorom ili njegovim nadležnostima."

### **ODGOVOR:**

Ovo je više komentar vijećnika na odgovor dat na njegovo pitanje i pitanje vijećnika Muhameda Handžića, a ne novo pitanje. Odgovor na pitanje šta je cilj ovakvog komentara dat će vrijeme. Komentar sadrži dozu pritiska na rad Službe i komunalnog inspektora, što je nedopustivo. Smatramo da naš odgovor sadrži sve tražene podatke i da nema potreba isti dopunjavati, ili nešto oduzimati.

Poznato vam je da su radovi i tehnički prijem u dijelu Ulice 126. Ilijaške brigade /Pješačka zona Centar Ilijaša/ okončani krajem mjeseca juna 2013. godine. Sva lica koja su koristila javnu površinu u toj zoni u 2013. godini plaćali su naknadu počevši od 01. jula 2013. godine. Naknadu nisu plaćali vlasnici ugostiteljskih i trgovinskih radnji za korišćenje prostora ispod nadstrešica čiju gradnju su sami finansirali, a neće je plaćati ni ubuduće. Obaveze plaćanja naknade za korišćenje javne površine nije oslobođen ni jedan korisnik. Ova Služba i nema diskreciono pravo da nekog korisnika oslobodi obaveze plaćanja naknade za privremeno korišćenje javne površine, a drugome utvrdi obavezu plaćanja.

## **RASIM ŠEHIĆ-vijećnik SDA**

Inicijativa:"Uputiti dopis nadležnoj firmi i Direkciji za ceste Kantona Sarajevo da se izvrši košenje trave/potkresivanje granja oko puta na relaciji D.Čevljanovići-Vrutci-Dragoradi u svrhu obezbjeđenja bezbjednijeg saobraćaja".

Odgovor:Na dionici puta Gajevi-Dragoradi je izvršeno potkresivanje granja i produbljivanje odvodnih zemljanih kanala. Inicijativa je dostavljena Direkciji za ceste Kantona Sarajevo.

## **BESIM GLJIVA-vijećnik Stranke za Srednje**

Inicijativa:"Neophodno je sanirati lokalni put od Vukasovića do Homara obzirom da istim saobraća minibus koji vrši prevoz đaka. Put je makadamski i ne iziskuje velika sredstva, osim što zahtijeva hitnost sanacije kako ne bi bio obustavljen prevoz đaka iz ovih naselja.

Odgovor: Podržavamo inicijativu, ali je potrebno da MZ Gajevi pokrene postupak rješavanja imovinsko-pravnih odnosa kod nadležne Službe, kako bi se ovaj put imovinski riješio i uknjižio kao "javno dobro-putevi", te riješili dilemu opravdanosti ulaganja u rekonstrukciju i održavanje ovog puta.

## **ENES DIZDAREVIĆ-samostalni vijećnik:**

### **Pitanje**

"Vezano za rente i zakupe javne površine, malo mi neke stvari nisu jasne. Naime slastičarna "Zambak" 60 m2 od 01. 05. do 15. 10. 2014. godine iznos od 1650 KM (plaćanje u dvije jednake rate), picerija "Mehdijano" 54 m2 od 01. 05. do 31. 05. 2014. godine 180 KM

(plaćanje u dvije rate). Neka mi neko odgovori po kom kriteriju se određuju cjenovnicii kako je  
ovolika razlika u cijenama?"

**ODGOVOR:**

Odgovor dat na sjednici OV.

Služba za prostorno uređenje i stambeno komunalne poslove